

Naqqiut

11. oktober 2018-imeersumut taarserpaa

(Siunnersuutip kalaallisuaani qulequtaq 24. Juli 2018-imeersoq taarserneqarnera peqqutigalugu malitsigisaanik akissuteqaatip qulequtaa allangortinneqarpoq).

Misiliilluni aningaasaliineq nunaqarfinni qerititsivinnik sanaartornissamik annertusaanissamullu tapiisarnerni periutsit pissutsillu pitsaanerpaat anguniarlugit qanoq aaqqiivigineqarsinnaanera pillugit Inatsisartut Naalakkersuisut nassuiaasioqqullugit peqquneqarnissaanik aalajangiiffigisassatut siunnersuut. Nassuiaasiornermi isumalluutit suliffissaqartitsinerit kiisalu aningaasaqarnermut tunngasut kommunit, inuussutissarsiornermik ingerlatsisut aammalu KANUNUPE-p misilittagaat ilaatigut ilanngunneqassapput. Nassuiaat Inatsisartunut agguanneqassaaq, tamatumani nassuiaatip inerniliineri AIS20-imut ilanngullugit suliarineqarsinnaalerlugit.

(Inatsisartunut ilaasortaq Peter Olsen, Inuit Ataqatigiit)

Akissuteqaat

(Inuussutissarsiornermut Nukissiuuteqarnermullu Naalakkersuisoq)

Siullermeerneqarnera

Aalajangiiffigisassatut siunnersuummut Inatsisartunut ilaasortaq Peter Olsen, Inuit Ataqatigiit, Naalakkersuisut sinnerlugit qutsavigissavara.

Inuutissarsiorfimmut toqqammavissatut atugarisanik pitsanngorsaaniarneq, ilanngullugu aamma aalisarnermik inuutissarsiummut Naalakkersuisut suliaqartuurtuupput.

Aalisarneq Kalaallit Nunaanni, aammalu nunaqarfinni qitiulluinnartutut inuutissarsiutaavoq, kikkunnullu tamanut iluaqutaasussanik piffissamat ungasissumut iluarsiiisutit pilersinnissaat pingaartuupput.

Taamaalilluni illoqarfinni nunaqarfinnilu tunisassiorfinnik sanaartortuarnissamik Naalakkersuisut sammisaqarnissaat naalakkersuisooqatigiinnissamat isumaqatigiisummi allassimareerpoq.

Tassunga atatillugu aalisakkanik suliffissuaqarfiup innaallagissamik imermillu pisariaqartitsineranik nalunaarsuineq Naalakkersuisut aallartisarsimavaat. Ilaatigut aalisakkanik suliffissuaqarfiup, inuutissarsiorfiit kattuffiisa, naalakkersuisoqarfiit attuumassuteqartut Nukissiorfiillu peqataaffigisaannik isumasioqatigiisitsisoqarsimavoq. Siunertaq tassaavoq aalisakkanik suliffissuaqarfiit peqatigalugit pitsaasumik ataqatigiissaarinerup qularnaarnissaa. Taamaalilluta nunaqarfinni isorliunerusunilu aalisakkanik tunisassiorfiornermut, ilanngullugu qerititaqarsinnaassutsimut toqqammavissanik sapinngisamik pitsaanerpaamik pilersitsisinnaavugut.

Ilisimaneqartutut annertuumik innaallagissamat imermullu assigiimmik akigititaqartitsinissamat iluarsiiisut aamma naammassisimavarput. Taassuma nunami tamarmi innaallagissamat imermullu akigititat appartissimavai. Qerisunik toqqorsivinnik

tunisisarfittullu ingerlatsivinnik ingerlatsinerni aningaasartuutit ikilisinnissaat suliarisap taassuma ilaatigut siunertaraa.

Aammattaaq Aningaasanut Inatsit aqutugalugu nunaqarfinni isorliuenerusunilu inuutissarsiorfiit suliffeqarfeqarfiillu ineriartortinnissaat pillugit anguniagarisap Naalackersuisut tapersorsorpaat. Assersuutigalugu tunitsivigisatut ingerlatsivittut atorneqartunik tunisassiorfiit ingerlanneqarnerannut tapiissutinik ikiorsiisoqarsinnaavoq.

Taamaalillutik nunaqarfinni isorliuenerusunilu qerititaqarnermut tunisinissamullu periarfissanik pitsanngorsaasinnaasunik suliarisanik arlalippassuarnik Naalackersuisut aallartisaareersimapput.

Siunnersuut manna suliarisanut Naalackersuisut aallartisaareersimasaannut naleqqulluinnarpoq.

Tamatuminnga tunngaveqarlutik Naalackersuisut siunnersuut akuerisassanngorlugu inassutigissavaat.